



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Jullu 2011

Edisaun : 22 Jullu 2011

JSMP hala'ó fokus grupu diskusaun konabá esbosu lei kódigu sivil, parte “direítu ba sasan”

Judicial System Monitoring Programme (JSMP) liu husi Sub Unidade Programa Observasaun Parlamentu (POP) iha loron 21 fulan Jullu 2011, hala'ó *Focus Group Discussion (FGD)* ka diskusaun grupu limitadu konabá esbosu lei Kódigu Sivil, espesialmente ba livru III konabá “Direítu ba Sasan”. FGD hala'ó iha Dili no partisipa husi lideransa komunitária husi Distritu Liquica no Manatuto, Sosiedade Sivil, representante relijaun nomós akadémiku sira.

Diretór JSMP Luis de Oliveira Sampaio *haktuir katak importante tebes atu hala'ó FGD tanbá husi prosesu ne'e bele explora hanoin no perspetiva husi partisipantes sira ne'ebé mak mai husi, dixiplina profisaun no estudu oin-oin, hodi fo kontribuisaun diak ba esbosu lei kódigu sivil refere, partikularmente relasiona ho aspetu Direítu ba Sasan nian, tanbá área ka aspetu ida ne'e dalabarak provoka tensaun iha comunidade.*

Hanesan prosesu sira liu ba kotuk, depoisde faze FGD ne'e, rezultadu husi prosesu ne'e sei formula ba dokumentu ofisial ba submisaun ne'ebé sei apresenta ba Parlamentu Nasionál. Konteudu submisaun ne'e mai husi ka reflata no reprezenta ideas no hanoin ka rekomendasau sira ne'ebé mai husu partisipante sira.

JSMP hein katak submisaun ne'e bele ajuda membru parlamentu sira atu produs lei ne'ebé ho kualidade aas no reflata duni ba povu Timór Léste nia kontestu moris, no importante liu mak lei ne'e bele produz benefisiu ba ema hotu hanesan sidadaun no partensia ba nasaun ida ne'e.

Esbosu lei ne'e rasik oras ne'e dau-daun iha ona faze diskusaun espesialidade husi komisaun eventuais (*Komisaun ne'e kompostu husi representante bankada ida-idak iha Parlamentu Nasionál*) atu avansa ba votasaun finál globál.

Atu fasilita diak liu tan diskusaun ba esbosu lei ne'e, JSMP servisu hamutuk ho Advogadu Internasionál no Dosente Fakultade Direítu iha Universidade Nasionál Timór Léste (UNTL), Sr. Filipe Alfaiate atu sai hanesan oradór inklui ajuda Sub Unidade POP hodi halo análiza tékniku iha prosesu hakerek submisaun ba Parlamentu Nasionál.

Iha FGD ne'e, unidade POP prepara ona matéria ba diskusaun inklui estudu kazu balun ho intensaun atu hetan opiniaun ne'ebé real no prátiiku husi partisipantes sira.

Mesmu esbosu lei ida ne'e komplikadu no naruk teb-tebes, liu husi FGD ida ne'e JSMP hakarak atu enkoraja partisipantes sira atu hanoin konabá oinsá sira nia espetativa no ejijensia ba governu atu regula sira nia relasaun sivíl, liu-liu iha relasaun ho problema bireítu ba Sasan.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: luis@jsmp.minihub.org

Landline: 3323883